


嶺海輿圖
廣州遊覽小志





嶺海輿圖

姚虞撰

編主五雲王

編初成集書叢

種一他其及圖輿海嶺

中華民國二十六年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

鎖

(本書校對者 徐壽齡 沈鴻俊)

九三九

四庫全書提要

嶺海輿圖一卷。明姚虞撰。虞字澤山。莆田人。嘉靖壬辰進士。官至淮安府知府。是編乃其官監察御史時。巡按廣東所作。凡爲圖十有二。首爲全省圖。次十府十圖。終以南夷圖。圖各有敍。敍之例。首述沿革形勢。利病。次州縣。次戶口。次田糧課稅。次官兵馬匹。其總圖則首以職官。以布政按察二司分統之。蓋其時撫按皆爲使臣。尙未定爲守土官也。其南夷諸國。列通貢者於前。而通市者亦附後。爲海防之計。不論其奉朔否也。大旨略於前代。而詳於當代。略於山川。而詳於扼塞。略於職官。而詳於兵馬錢糧。略於文事。而詳於武備。於志乘之中。別爲體例。然較之侈山水。誇人物。輯詩文者。其有用無用。則迥殊矣。意古者輿圖。不過如是。後來者踵事增華。失其本耳。前有嘉靖壬寅。洪若水序。極稱之。錢曾讀書敏求記。亦稱其簡而要云。

嶺海輿圖序

甘泉子曰。以予觀於嶺海輿圖。而知王政之易易也。夫嶺海輿圖。何爲者也。明心也。昭制也。明心也者。以言乎其致善也。昭制也者。以言乎其行法也。吾于嶺海輿圖之編也。而知澤山姚侍御之善於巡廣之政之要也。故以千言之博。泛濫而寡要。不若一圖之約。目擊而意全。有序有紀。皆所以明圖也。是故觀斯圖者。其愛民憂國之心。油然而生矣。雖欲勿善得乎。其大綱小紀之制。昭然而見矣。雖欲勿法得乎。故澤山子本孟氏而言曰。徒善不足以爲政。徒法不能以自行。一以治善。一以治法。法善兼全。政治舉。故曰。以予觀於是圖。而知王政之易易也。吾於是編之簡約也。而知澤山侍御之善於巡廣之政之要也。人謂澤山公發奸摘伏如神者。非以是耶。考圖撫景。自布按都三司。而府。而州。而縣。而衛所。而合屬稗官。某也。賢某也。否。而懲勸焉。則其職官。率屬信民之政舉之矣。入觀其疆。而考其山川。而物產。而田里。而戶口。而錢糧。課稅之贏縮。而振作焉。則其足食之政舉之矣。觀其府州縣之官兵。而考軍人民壯之消長。馬匹器械之張弛。而修舉焉。則其足兵之政舉之矣。於制森然。於心惕然。而善法具備。本末兼該。內聖外王之道。舉之矣。雖以措之天下。傳之後世。其可也。獨嶺海云乎哉。是故觀言不如觀圖。觀圖不如觀意。故曰。書不盡言。圖不盡意。以意盡圖。以圖盡言。後之君子。當以是觀。西村胡郡守鳳。存心善政。贊美斯圖。請梓以廣其

傳。乃俾陳司訓大章。走甘泉之野。請序其意於簡端云。嘉靖壬寅季秋四日。賜進士出身。資政大夫。前南
京兵部尙書。奉勅參贊機務。國子祭酒。翰林侍讀。同修國史經筵講官。增城湛若水元明書。

嶺海輿圖原序

有一鄉之政。有一國之政。有天下之政。有一時之政。有一代之政。有千萬世之政。政者正也。正已以正人也。作用岐途。古今異尚。久暫殊功。心一而已。子孟子涵泳聖涯。抱道不辰。藐一鄉一國天下之士。而尙論焉。誦詩讀書。必求知其人。七篇之說。仁義道德藹如也。其論政則曰。有其心。無其政。是謂徒善。有其政。無其心。是謂徒法。徒善不足以爲政。徒法不能以自行。於戲。盡之矣。豪傑之士。守而勿替。措諸當世。往往有大過人者。先天下之憂而憂。有本者如是。苟亦徒法。其曷以臻茲。總總黔首。孰匪同胞。故君子雖棲遲畝畝。恆志在天下國家。樂堯舜之道。將以唐虞斯世。不肯自隘。且自私焉。矧旣委質官箴。以人事君。蹇謬匪躬分也。又矧厥監使一方。慘舒攸繫。引養引恬。保合其民。而容蓄之。每懷靡及。周爰咨諏。皇華王命。若是其重。雖假寐有弗遑者。疇非此心之運。昔者宣公陸子。嘗告德宗矣。曰。五術省風俗。八計聽吏治。三科登俊。又四賦經財實。六治保罷瘵。五要簡官事。經濟莫備焉。斯一國一代之政。推諸天下後世。無弗準矣。夫此六者。皆羽翼孟氏鑿鑿可行。贊其天下士哉。顧爲政在人。事豫迺立。有宣公之策。無文正之憂。徒法也。有文正之憂。無宣公之策。徒善也。徒法則渙。渙則民弗從。徒善則執。執則民弗喻。二者得失相因。故君子懷古慨今。與其渙也寧執。予按廣今茲且葺年。所謂民隱吏治。梳之爬之。以求仰荅皇上惓惓斯民之念。

少道涓埃萬一之責。惟時家室溱溱。歲無荒厲。蠲田蠲窟。蕉林荔浦。聖化所被。邈哉均矣。過河洛而歌禹功。有遐思焉。爰卽所履考成。籍酌時宜。作嶺海輿圖。凡十有二幅。各繫以敍。俾昕夕顧諟。以警惕厥衷。予何人哉。一鄉鰥生。一時管見。敢曰一國之政乎。又敢以達諸天下後世乎。我憂孔疚。將毋徒法爾乎。是故甚不得已也。迺君子觀象考文。沿時揆事。神會而加之意。或亦少補於政。其視十眉五客。輞川愈疾。雲漢北風。生熱生寒。重輕緩急。則自謂有間。因屬胡守鳳梓之。以告各郡之守土者。於戲。輪幘之飾。厚顏于有道者。吾知不免。諒其心則幸矣。賜同進士出身文林郎。巡按廣東監察御史。蒲田姚虞撰。

凡例

諸圖不盈方尺，故未盡者，載譜序，序或遺者，載諸紀。凡以翼圖也，隨事起義，有攸繫焉，故先之以凡例。

一 封疆廣袤，形勝展促，江海源委，路道通塞，關隘重輕，民夷界限，圖紀序互詳焉。若山則圖其大者，

如羅浮、庚

嶺、五指之類。 難枚舉也。

一 布按二司各道，俱詳記於總紀，政所出也。

一 各府衛首領，并儒學、司獄、司陰陽、醫學、僧綱、道紀司，各州縣所屬印信，衙門原有定額，通省俱同。茲不復贅。止書倉場、鹽場、遞運所、稅課司、巡司、河泊所、水馬驛，以其額設不同，難以例見。且關係兵食地里

者，故不可略。各州縣有倉無官者不書。

一 戶口田糧屯徵，農桑豆麥，商稅魚課，并雜課，各府既詳，仍括其數于總紀，以便稽覈。其雜課俱不分類，但彙計之，從約也。

一 前項等數，雖各府所屬，但總計之，其詳則有司存。

一 官軍馬匹器械，止據額數書之，中間贏縮不常，難以見在局之。其達官旗目舍，皆每年續撥來者，原無

成額。今但錄其見在者。以俟稽查。其軍器各衛所俱同額數。止總記于總紀下省文也。

一各印信衙門。已于圖中標出。後仍紀其總額。并轄于某衙門。雖營堡關隘亦然。不嫌冗瑣。互相考見也。

一敍紀中于各府衛及合屬印信衙門。俱界以方格。別省亦然。其山海營堡關隘。外國猺黎。則界以圓圈。別內外也。

一民壯弓兵。關係地方。故特書之。

一隘塞關津。必詳標于圖。以嚴備守。其不能盡載者。則詳于序。序或不及詳者。皆有總數表之。若廣肇惠潮瓊等府。屬縣多者。亦每遺之。勢也。

一各府圖序。俱擇其鄉賢名宦。流寓人品。功業之卓然者。表之。景賢示勸。徵文獻也。

一南夷圖。止據本朝曾經奉貢。及載在祖訓會典者。書之。其山川境土。去廣邈遠。皆難悉知。今但據舊文。附入。亦不敢盡信。若每歲進貢方物。原無額數。番船往來。一無定期。故船課止錄其槩云。

一圖序。紀所載諸事。皆得之一時耳目。未必無遺。尙賴同志。求其所缺於册外可也。

嶺海輿圖

嶺海總圖序

明 姚虞撰

廣東雖古百粵地。書載唐堯命羲叔。宅南交。史稱蒼梧。九疑。韶石。皆舜跡所至之地。不得為荒服。周宣時。

召穆公虎。疆理淮瀆。遂至于南海。肆入秦併。迺郡邑。于歷代。幅員浸廣。居嶺海之間。受天地之盡氣。丘文莊舊

志。封疆跨躡。海陸會同。唐王勃記。而地靈人傑。罔下中州。古稱樂土。馬北負雄。南雄府。韶。韶州府。以臨吳。江。楚。湖。東。

肩湖。潮州府。惠。惠州府。以制甌閩。福建府。高。高州府。廉。廉州府。門戶。西排交。交趾。桂。廣西。之梯航。嶺。嶺東兵備。嶺南兵備。嶺西兵備。雷廉四府參將。海。海道副使。

嶺南兵備。崖州參將。藩籬。外扼黎。諸黎。黎。夷。諸外夷。之喉舌。矧征蠻重兵。據蒼梧上流。舶樞鹽徵。魚冶諸課之羨。頗貸餉乏。

前此真一大都。今則否矣。生齒日繁。官輸日重。嚚訟日滋。無經日耗。師旅因仍。漁獵踵至。而游民逐末。山海礦冶厲階。番舶釁端。時復汪洋。巉峴峰聚。狐潛噪呼。羣起剽掠。無忌而戎事且弛。凡此民患。十郡符合。臥榻隱憂。噬臍後禍。豈獨黎獠夷會已哉。外馳富饒。內實貧困。今之廣東。蓋甚有可慨焉者。我有官君子。

嶺海輿


縣豐信府州贛至北

東北至江國安遠

縣界一千四百二十里

東至福建漳浦縣界一千二百十五里

東南至惠州府海



化昌至外縣山香至南

漸洋江洋江嶺

仰藉神祖混一偉功。列聖承平之福。皇上宵旰南顧。為民任人。俾皆梁肉大廈。泮奐茲土。匪民曷依。於戲。靖共以無。或素餐。覽圖稽序若紀。安養生息。理亂利弊。刑賞攻守。思過半矣。司馬公曰。有治人。無治法。君子念之。樂土其漸復乎。

嶺海輿圖總紀

布政司。嶺南道。嶺東道。嶺西道。
糧儲道。清軍道。督册道。

按察司。嶺南道。提學道。屯田道。鹽法道。
清軍道。海北道。嶺南兵備道。

嶺東道兵備帶管。嶺西道兵備帶管。
海北道兵備帶管。嶺南道兵備帶管。

領府十。州七。縣六十五。鹽課提舉司二。廣東所屬場十四。海北所屬場九。市舶提舉司一。

都司領衛一十五。屬所一百零五。直隸所九。

戶口。

官吏軍民匠役校尉力士竈蛋等戶。共四十九萬一千三百一十二戶。口共二百零二萬零一百一十

九口。

田糧。

官民田地、園塘、池灣、埔港，共二十五萬六千七百四頃七十五畝三分。

夏稅、麥，共該正耗稅四千三百九十六石四斗一升六合九勺七抄，各豆，共該正耗稅八斗一合二勺。色米，共該正耗稅一千六百五十一石二斗四合二勺五抄九撮八圭六粟五粒。

秋糧，共該正耗糧一百零一萬一千七百九十八石一斗四升四合五勺九抄八撮六圭一粟四粒。農桑本色米，共三百零七石五斗一升六勺四合六抄。

商稅等鈔，共六十一萬一千八百零八貫三百八十五文。

魚課折色米，共三萬五千零一十八石五斗三升三合二勺一抄。

魚膠、翎毛、銅、鐵、黃麻等料課，共折價銀五百八十四兩九錢二分一釐九毫七絲二忽。外高州府原止計斤數，未算折價，詳在本

府紀
下。

廣東鹽課提舉司，共稅熟鹽八萬九千二百八十五引零二百四十五斤六兩三錢六分。
海北鹽課提舉司，共稅熟鹽一萬三千一百七十五引零五十九斤八兩。

屯糧共一十八萬三千三百九十五石五斗一升一合七勺一抄五撮。

官兵馬正器械。

都司合屬額設官一千八百六十八員。旗軍三萬九千七百七十名。見在六百五十四正。

見在達官指揮千百戶鎮撫共一百七十一員。總小旗頭目達舍共七百九十四名。

每衛六瓣明纓盔各二十頂。齊腰甲二十付。角弓五十張。弦一百條。破甲鐵箭三千九百七十六枝。皮

撒袋五十付。腰刀五十把。斬馬刀二十把。勒甲皮帶二十條。虎頭牌四十面。朗機銃管二十把。提銃

一箇。神機螺螄箭各二百五十枝。鈎刀十張。眉刀二十張。短鎗五十根。弩五十把。

每千戶所六瓣明纓盔五頂。齊腰甲五付。角弓十五張。弦三十條。破甲鐵箭八百八十二枝。皮撒袋十

付。腰刀十把。斬馬刀五把。勒甲皮帶五條。虎頭牌十面。朗機銃管十把。提銃一箇。神機螺螄箭各一

百枝。鈎頭刀五張。眉刀十張。短鎗二十根。弩二十把。

額編民壯共一萬八千一百一十五名。弓兵共六千九百三十二役。

廣州府圖序

廣州府古揚州南境。秦始皇置南海郡。趙佗實據之。山川緬邈。元南上據石門之隘。下瞰扶胥之險。長江天

塹。壁壘完整。舊志國朝為府。元以前沿革不一。以下列郡俱同。領州一。連州。縣凡十有四。附郭南海番禺外順德三水從化東莞增城龍門香山新會新寧清遠陽山連山三縣隸連州。包

山帶海。羣邑羅衛。外郡倚以為重。故于此置省會。而責亦重焉。黃浦。順德地。白墳。波羅海口。南岡。鹿步灣口。已上三營俱守備指揮防


禦。衛近廣海。新寧大鵬。千戶所。香山崖門。新會地。沿海東南戍守之嚴。湟川。連州古名。有守備都指揮。陽山連山。朱岡。星子。俱巡司隸

陽山。西北叢嶂。實湘。臨武江華俱湖廣衛宋屬縣。桂。賀縣懷集俱廣西平梧屬縣。咽喉。殆亦次之。而三水參巨浸之派。胥江。新會地。當三鎮。廣韶

之中。帆檣上下。烏合突來。樓船屯哨。其可緩乎。環郡大洋。萬支莫測。風濤千里。皆盜賊淵藪。英。英德縣。隸韶州。

陽之交。移山籍火。民糶糴居。水陸恆病。故清遠慶安。東莞占名。各轄以兵憲重臣。其勢均也。然兵食相須。官

民一體。番禺南。南。邑若獨大。而當省會。民亦獨勞。曷以節之。東增。順。會。新。僅充歲用。曷以贏之。香。



山香清、清遠而下疲亦久矣。曷以舒之均之。惟茲陶晉桓公侃、唐宰相璟、唐昌黎公向宋丞相敏甘棠冉冉。濂溪時為

運南軒、隨父寓遠流道澤而清獻宋丞相嶽與所謂諸賢寬得一分則民受一分之賜。仰止羣哲典刑伊邇。

尚亦鑒哉。

廣州府圖紀

領州一縣十二。稅課司永豐倉各一。遞運所二。各州縣巡檢司四十九。倉十。水馬驛一十八。河泊所八。

戶口。

戶一十八萬七千九百六十八。口五十九萬八千四百九十。

田糧課稅。

官民田地山塘灣八萬五千四百四十七頃五十一畝一分六釐八毫七忽。

夏稅。荳八斗一合二勺。米八百七十石七斗七升五合八勺。

稅糧米三十一萬二千四百九十一石五斗五升五合八勺。

農桑本色米。二十一石六斗七升四合。

商稅等鈔。二十六萬一千四百六十六貫一百三十六文。

魚課折色米。一萬一千零四十三石六斗五合五勺零。

魚膠、熟鐵、翎毛。共折價銀。一百零七兩四錢九分七釐一毫一絲五忽。

廣州左衛。合屬屯田額徵。二百頃三十三畝零。細糧。五千五百五十六石八斗七升四合八勺。

右衛。合屬屯田額徵。三百四十六頃五十九畝八分零。細糧。一萬零三百四十二石零二升六合七勺

三抄八撮。

前衛。合屬屯田額徵。三百四十四頃七十二畝三分零。細糧。九百九十五石一斗八升八合四勺一抄。

後衛。合屬屯田額徵。二百四十六頃四十畝。細糧。七千三百三十五石零八升三合七勺六抄七撮。

南海衛。合屬屯田額徵。二百六十八頃八十畝。細糧。八千零五十四名。

廣海衛。合屬屯田額徵。二百二十二頃九十六畝。細糧。一萬二千七百六十八石。

清遠衛。合屬屯田額徵。細糧。六千八百六十九石五斗一升九合八勺。○此條似脫

頃畝數目。

增城所屯田額徵八十一頃細糧二千九百五十八石。

從化所屯田額徵一百零三頃六十畝零細糧六千七百二十石。

新會所屯田額徵六十三頃六十畝細糧二千零一十六石。

官兵馬疋。

廣州左衛額設各官共八十四員。旗軍一千三百四十六名。馬八疋。

右衛額設各官共八十四員。旗軍一千七百七十六名。馬八疋。

前衛額設各官共八十四員。旗軍一千五百三十一名。馬十九疋。

後衛額設各官共八十四員。旗軍一千三百一十七名。馬八疋。

南海衛額設各官共六十九員。旗軍一千五百五十四名。馬一十七疋。

東莞大鵬二所額設各官共三十員。旗軍六百二十四名。馬十疋。

廣海衛額設各官共六十九員。旗軍二千三百八十三名。馬十疋。

新寧香山海朗三所額設各官共四十五員。旗軍七百七十名。馬無。

清遠衛額設各官共八十四員。旗軍六百四十五名。馬三十三疋。

增城所額設各官一十五員。旗軍七百五十六名。馬十一疋。直隸都司

從化所額設各官一十五員。旗軍三百七十五名。馬無。直隸都司

新會所額設各官一十五員。旗軍六百七十九名。馬二疋。直隸都司

廣州四衛達官旗目舍共三百七十六員名。

民壯四千八百四十四名。弓兵二千三百五十五役。

韶

州

府


界二百七十里

東抵南雄府始興縣界一百五十里

東南抵惠州府

北抵湖廣郴州

南抵廣州府



西六十里

遠清府州廣抵南

韶州府圖序

韶州府本南海郡地漢平粵隸于荆湖廣之桂陽郡桂陽州衡州府屬自吳歷梁俱楚疆隋罷郡始以其地還屬番州

唐武德中初置韶州附以四邑五季而上其地屢叛宋元迺定國朝為府降英州英德舊名為縣歸始興于南

雄領縣凡六曲江附郭英德翁源樂昌乳源仁化據廣上游北嶺峭峻南谷平易唐徐浩張文獻公碑控扼五嶺韶為交衝唇齒江西江湖南

咽喉交安南廣二廣宋余靖條州衛記亦重地也浚洸英德古名之南蔓延獠崗樂昌仁化則逼境彬湖廣郴州桂州勢不兩轄

而茂林層巒流賊常擾編氓亦彼此構隙不時迺湘韶之通患故兩鎮兵備湖南則駐于郴陽嶺南則駐

于清遠曲江雖曰附郭獠山密邇皆腹心後疾翁源僻在東南二巡司桂山了黃崗居扼塞之區六關隘圖略載

當異境之會英樂乳仁皆不建兵署所籍以外禦者弓兵各巡司見圖營卒而已豈恃萬人城以內固乎英德濱山

有趙陀所築萬人城遺址抑役民于農而專生財計乎不可恃者章章徵矣所謂生財吾亦惑焉六邑惟曲英差豐餘則

漸敵。田弗養。農之下也。喪必寡。奢之薄也。乳源豪商。江西人。蠶食既久。迺有客強主弱之諺。之數者。奚其富。

惟茲金鑑有堂。府治西。宋取唐相張九齡千秋金鑑錄因建。家山有墓。府城西。有宋尙書余靖墓。二公俱曲江人。巍巍百粵。嶺海同長。監門。宋鄭俠以上流民圖編管英州。廷丞。

宋呂祖儉上書語侵韓侂胄安置韶州。忠國之風。餘馨尙播。文不在茲乎。

韶州府圖紀

領縣六。倉一。河泊所一。巡司十四。水馬驛六。

戶口。

戶一萬七千九百三十四。口九萬六百五十八。

田糧課稅。

官學軍餉輕齋。民僧田地山塘。一萬一千五百九十頃三十二畝六分九釐七絲三忽。

夏稅絲折米。一十石一斗一升三合。麥二百三十二石三斗九升八合六勺。

秋糧米五萬七百八十六石八斗六升一勺六抄六撮四圭二粟二粒。

農桑本色米三十石九斗一升五合五勺。

商稅等鈔八萬五千三百九十九貫八百五十二文。

魚課折色米二千四百零六石三斗八合三勺。

黃麻魚線膠熟鐵共折價銀七十八兩八錢三分九釐九毫。

韶州所屯田實徵八十頃細糧二千五十二石。

官兵馬疋。

韶州所額設各官一十五員。旗軍三百七十三名。馬無。

直隸都司。

民壯一千七百五十名。弓兵五百八十役。

南雄府圖序

南雄府本始興縣地。隋以前俱隸衡、桂。唐武德中，又隸韶州。南漢始割湏陽、保昌古名始興、置雄州。宋開寶以

河北亦有雄州，因加南以別之。隸廣東道。元為南雄路。國朝為府。領縣二。保昌附郭始興居五嶺之首，為二廣之

衝。羣山環拱，三水合流。控帶羣蠻，襟會百粵。本志韶石突兀聳其南，庾嶺峩峩峙其北。舊志匡廬、會稽、洞庭、鄱

陽、長江一帶，皆限此巨關。庾嶺有關曰嶺南第一關而交南朝鮮諸國，臣服西來，踰嶺嶺則北望天府，衣冠文物，凡海內

大都，足以歆其畏慕，莫或覬覦焉者。必暫割于懷遠樓。在郡城南，建以館夷人者雄其五嶺要地乎？但境聯二省，每苦流

賊。雖堡昌差寧，而始興之陽山、坑河、溪廟、沙田、花腰、猪子峽、已上隘俱通江西等隘，堠斥未嚴，唇齒固不得偏安也。


紅梅、百順、平田、俱隸保昌黃塘、清化、俱隸始興數巡司，已不講訓練。又況一所。南雄千戶所官軍老羸並計，數隊止矣。皆

久玩無事，弋塵甲座，以屯餉為騙局，聚止分奇，盲盲胡知。且以一郡才領二叢邑，提封廣袤，僅四百里。夏

南 雄 府

北抵江西安府

對信豐縣抵北



縣九里村二百里


東抵贛州府信豐縣界二百四十里

東南抵贛州信豐

南抵江西贛州府

湘州區隘細

輿地圖



秋公租不過三萬有奇。未當江南一縣之饒。而送往迎來。爲東廣九郡傳郵。但幸權料一線之利存焉耳。省城番舶不通。將安以支兵食。內憂雄實爲甚。然則奈何。傳曰。備預不虞。國之善經。又曰。常形人不形于人。

南雄府圖紀

領縣二。一。減運所。一。稅課司。一。倉。

一。巡司。五。水馬驛。一。

戶口、

戶八千二百九十七。口二萬四千六百九十九。

田糧課稅。

官民僧道。田地山塘。九千五百二十一頃四十三畝九分七釐八毫六絲九忽四微七塵。

夏稅米。四十四石八斗五升四合一勺。

秋糧米。三萬四千八百八十四石五斗六升六勺。

農桑本色米。八十石。

商稅等鈔一萬七千六百二十六貫一百四十七文。

魚課折色米二百零六石四升五合八勺九抄。


生銅、魚膠、翎毛共折價銀八兩二錢零八釐九毫。

南雄所屯糧二千九百四十八石五斗九升九合八勺。

官兵馬疋。

南雄所額設官一十五員。旗軍三百六十名。馬二疋。直隸都司。

民壯四百六十六名。弓兵二百五十役。





惠州府圖序

惠州府故南海郡地。歷代相沿。梁始置梁化郡。隋罷郡爲循州。省龍川入河源。復改龍川郡。隨改海豐郡。

又復爲循州。南漢徙循州治于龍川。而于舊地置禎州。卽今歸善。宋以州名避仁宗諱。改惠州。國朝爲府。領縣

七。歸善附郭。博羅海豐。河源龍川長樂興寧。正德間。增置和平。十三年。南贛巡撫都御史王守仁平龍川洞頭賊。奏立。鼓角山。導其前。羅浮山。擁其後。漢之名部。越

之沃野。宋余靖普安寺記。東抵〔潮〕西連廣。北接贛。南極于海。惠大記。廣袤幾千里。提封次于瓊廣河。河源龍川長樂興寧。

和平各居郡上游。嶮峒絡繹。多潛不軌。興寧龍川。則比肩南贛。曩于閔餘地。五新邑以斷北臂。職此故耳。

五邑礦民。歸善河源龍川長樂海豐。類多異省逋徒。糾合土著。嘯聚登隴。斷以規利。贏則賈。縮則寇。往年作耗。雖竟撲滅。

禍根未芟。故長吏不得已有封礦之議。欲塞利孔。拔民罪梯。見損忘益。勢而已矣。惟博羅人稠地瘠。民復

恣淫。每稱難治。海豐差饒。可逃菜色。第東南濱海。碣石。衛俱捷勝。在衛南。平海。在縣西南。甲子門。在衛北。已上俱于戶所。皆瞬

息生變。惠州守備。所以劄于衛治。龍川之獠。皆別地來者。聽調輸租。主之以土官。可無虞矣。然自長樂設

以兵備。漸亦按堵。有備無患。諒哉。念厥小民待哺。殷實剝肉補瘡。歲無月贍。蛋戶請貸悍客。江西人。易舟傳食。辱及妻女。市井奸宄。黨結東莞。貫盈無籍。爲穿窬謀。大家之隙難投。所以並鷄豚烟火而馨起者。皆棲棲之斃獨。先集惟叢。故常廛有司者憂。惟茲學士之居。跨鶴峯。城東白鶴峯。東坡安置惠州。下居于此。後因立祠祀之。以長瞰江流。君子欲考德問業。而于文忠遺編。以求適心。政其庶幾乎。

惠州府圖紀

領縣八。

倉八。巡司十七。河泊所三。水馬驛十八。

戶口。

戶二萬三千八十二。口一十二萬三千二百二十七。

田糧課稅。

官民田地山塘。二萬八千四百二十八頃六十九畝七分九釐六毫一絲八忽五微。

夏稅米。二百四十石三斗九升二合四勺九抄七撮一圭四粟二粒。

秋糧米。六萬六千一百七十七石五斗七升四合八勺四圭八粟二粒。

農桑本色米五十八石九斗三升。

商稅等鈔四萬一千五百四十二貫三百九十文。

魚課折色米二千八百八十石九斗三升九合四勺四抄。

魚線膠熟鐵黃麻共折價銀三十兩六錢三分八釐九毫。

惠州衛合屬屯田額徵三百八十三頃四十四畝四分細糧一萬三千七百七十一石五斗五升。

碣石衛合屬屯田額徵一百五十九頃八十四畝九分零細糧一萬六千一百二十八石。

官兵馬疋。

惠州衛并合屬額設各官共八十四員旗軍一千零四十七名馬五疋。

河源龍川長樂三所額設各官共四十五員旗軍六百三十五名馬七疋。

碣石衛并合屬額各官八十四員旗軍一千二百四十五名馬四十三疋。

甲子門海豐捷勝平海四所額設各官六十員旗軍一千八百八十一名馬三十一疋。

民壯三千零六十五名弓兵八百六十役。

潮州府圖序

潮州府故南海郡揭陽縣地晉始置義安郡梁為東陽州為瀛州尋復義安隨罷置潮州唐因之南漢析程鄉為敬州宋改敬為梅宣和中析海陽置揭陽是謂三陽國朝為府領縣凡七

海陽附郭潮陽揭陽程鄉饒平大埔惠來上二縣近設

常閩南西越之界西北接贛汀漳三郡限以高山疊嶂合贛汀漳所出之水會遼州治之東以趨于海內

包沃野川原廣衍實廣惠之襟喉嶺東之巨鎮俱本志惟程鄉惟員子嶺通福建江西惟饒平惟柘林澳海賊倭寇常泊舟

惟惠來惟梅林盜賊巢穴神泉瞭望赤沙灣惟大埔之隘凡二十有奇皆山海要區枕吭撫背之防未可一日緩


者惟黃崗巡司隸饒平通福建詔安政和峒谷邃險兩地肘掣營堡罔濟議者欲于潮增設捕盜府倅挈家駐之環以墩戍

兼鎮南北而裁饒丞及諸冗員以易之一舉固三得矣若靖海潮陽西海門潮陽南蓬州海陽南大城饒平東已上四千戶所

又皆跬步海濤所賴以近保三陽遠衛東嶺者也今亦多士卒止諸本等藝略而水軍之法則疏以靜制動以佚待勞迺施于多算取勝之後非漫浪倉卒然者其可忽哉礦場七邑居五惟潮陽惠來無利害與惠同獠

潮州府

陸路四百里 東抵饒平縣界陸路一百五十里 東南抵本府海門千



陸路四百里 東抵饒平縣界陸路一百五十里 東南抵本府海門千

陸路四百里 東抵饒平縣界陸路一百五十里 東南抵本府海門千

撞種類頗繁。號輩戶斗老。與三大姓者。雷盤藍尤桀驁難訓。雖有統者。而狠性元悍。先幾而慮。迺克有終。惟

茲刺史餘芳。唐昌黎公上佛骨表。貶潮州刺史除鱷害。

山斗義義千載一日文山。

宋丞相文天祥。趙宋相鼎忤秦檜安置潮。

陸宋丞相秀夫墓在海嶼上。忠貞之氣爛乎

日星。惟潮過化。惟今民力。滋疲。四賢靈爽。將謂之何哉。

潮州府圖紀

領縣七。遞運所一倉七。巡司十六。河泊所一水馬驛十一。

戶口。

戶八萬九千三百一十二口。五十一萬八千七百九十四。

田糧課稅。

官民僧道竈田地山塘二萬九千二十五頃五十七畝七分八釐三豪。

夏稅麥四千一百六十石一斗五升九合三勺。

秋糧米一十六萬三千七百七十六石五斗六升六合五勺。

農桑本色米五十二石四升九合九勺三抄。

商稅等鈔五萬八千一百零九貫四百九十文。

魚課折色米五千五百二十二石三斗三升七合。

魚膠、熟鐵、生銅、翎毛、黃麻，共折價銀九十九兩五錢。

潮州衛合屬屯田額徵細糧一萬七千四百七十二石。

官兵馬疋。

潮州衛并合屬額設各官共八十四員，旗軍九百零五名，馬七十八疋。

蓬州、海門、靖海、大城、程鄉五所額設各官共七十五員，旗軍一千七百五十二名，馬六十一疋。
民壯一千八百九十三名，弓兵七百四十役。

肇慶府圖序

肇慶府本漢蒼梧郡高要地。劉宋置建綏郡。以居交州流寓。歷齊、陳、隋、唐、宋。雖建置不一。俱為端州。元符中以潛

邸舊號。升興慶軍。又改肇慶。唐以前皆隸廣西。元再更尋復屬廣東。國朝為府。領州一。德慶州。縣十。高要、附郭、四會、新興。

陽春、江高、高明、恩平、龍水、封川、開建、上三縣俱隸德慶。控江帶山。延袤千里。本志。據全省上游。受湘、桂林已上。潯、潯州至柳慶江。衆委州邑境內。猺峒

疊疊。棧居陸梁。虔劉我民。嶺西用武地也。東北界于清遠。或稍寧戢。東南以降。雙魚。近陽春。海朗。近恩平。俱

恩平、恩平、海陵、陽江、陽江、俱巡司。恩平、陽春、之濱。寇棹常擾。而高、高、新、開、建、封、川。銅陵、陽春、古名。瀧水、德慶。則半西土

為獠穴。經年固蒂之憂。何時則釋。嘗稽往牒。審時宜。凡關隘營堡。尺寸不可失者。高要三。白坭、蓮雲、初、大石。恩平三。

白蒙、蓮石、岡、那、關。陽春三。古良、錢、鑿、三、甲。高明二。文龍、朱塘。封川二。西河、迪田。開建一。賀縣、東安、鄉、大、灘。瀧水三。鐵場、雲、青、龍、角。德慶三。羅、傍、綠、水、大、刀。其恩陽

陽、會、處、鹿、園、黃、竹、橋。為高雷廉瓊要衝。昔固有張轍橫行者。若新。新、興、黃、三、坑、要、地。高、高、各、邑、險、扼、雖、多、而、端、溪、獨、古、名。

以百計。故鎮以守備。爰轄外戍。復統于參將。署在府治。制于兵備。署在府治。法蓋密矣。議者欲于西山。陽春地。四峒。雲廉

參大小龍。相思湖。東戈鐵。平曠之地。提兵據其腹心。羅傍西去三十里。崗曰下城。地廣田腴。天險四設。欲徙兵署。千戶所。及

巡司。都城。控之。皆長策也。迺若變通宜民。恩平則時誦舉。贏當截新。會有餘。以濟燒眉。仍節縣驛之費。于往

返蒼梧諸司。或亦小補云。惟茲孝肅。宋待制包拯。嘗爲州刺史。遺愛洽于民。獠八賢。八賢祠。祀唐中書令張柬之。太尉李紳。宋少師劉摯。右正言鄒浩。學士胡寅。編修胡銓。丞相留

正少傅張世傑。勸旌久而益振。當必有慕而推諸政者。

肇慶府圖紀

領州一縣十。倉八。巡司二十一。河泊所四。水馬驛十三。

戶口。

戶五萬二千一十六口。二十一萬七千一百四十。

田糧課稅。

官民僧尼道竈田地山塘三萬八千五百一十二頃三十二畝九分二毫六絲四忽。

夏稅麥一百零四石九斗八升六合二勺七抄七撮九圭三粟。

秋糧米一十六萬一千四百八十四石七斗八升一合五勺一抄六撮二圭六粟。

農桑本色米一十五石九斗四升七合三抄。

商稅等鈔四萬一千二百三十七貫九百七十一文。

魚課折色米三千九百七十二石一斗九升四合。

黃麻熟鐵魚膠共折價銀一百二十四兩八錢七分七釐九毫。

肇慶衛合屬屯田額徵細糧一萬八千三百八十石。

新興所屯田額徵八十頃二十畝細糧三千三百六十石。

陽江所屯田額徵四十八頃九十畝細糧一千四百六十六石。

德慶所屯田額徵細糧二千零一十六石。

官兵馬正。

肇慶衛并合屬額設各官六十九員。旗軍七百九十二名。馬十疋。

四會所額設各官十五員。旗軍二百五十五名。馬無。

新興所額設各官十五員。旗軍二百四十五名。馬無。直隸都司


陽江所額設各官十五員。旗軍三百八十一名。馬三疋。直隸都司

德慶所額設各官十五員。旗軍二百九十名。馬無。直隸都司

瀧水所額設各官十五員。旗軍三百五十五名。馬無。直隸都司

肇慶衛德慶所達官旗目舍共四十員名。

民壯二千九百四十九名。弓兵一千一百三十七役。



高州府圖序

高州府漢末孫權以合浦之高涼縣置高涼郡梁置高州歷隋五代炎宋因革屢異元爲之置路隸海北道國朝爲府洪武八年改爲州尋復又以化州及二縣來屬凡領州一縣五茂名附郭電白信宜吳州石城二縣俱隸化州土厚而山

環遠寰宇記州居三廣之間郡據叢山之險圖經東聯肇廣西達雷廉北枕蒼梧南憑溟海梁太守李遷仕曾

以其地叛自洗氏梁高涼太守憑寶妻後封石龍太夫人祖孫馮益高州總管洪孫也立奇功宇迺寢寧惟郡北獠山充斥直踵于西賊焰時

張歲爲民厲列邑固均信宜尤慘人亡則田隨以據池魚林木後殃邇在潘州古名之蕭牆故巡司要守則

中道信宜凌祿石城平山林茂名梁家沙化州營隘重地茂名則四十有奇電白則三十有奇化州石城則遠近相

半而良化黃海連峒七甲天門金岡石村三橋陸觀關塘平定獅子等屯獠峒通衢我疆域剝床之災也

議者欲復高涼舊邑于電白之廢基以控諸寨衛府城招集狼人土獠于信宜久失之地以耕以守以攻

以恢我舊物復裁三合僻驛之供以募驍勇立堠斥是或一道焉其寧村吳州地赤水茂名地俱巡司之墟倭變或

生于肘腋。神電

衛在電
白縣

所轄一帶海澳。防禦號令。兵符重寄。尤不當托之匪人。守疏則釁益熾。功成而農亦妨。詩曰。百室盈止。婦子寧止。又曰。知我如此。不如無生。古今人情。全不隔絕。繭絲保障。願吾所以慎之。何如耳。

高州府圖紀

領州一縣

五。遞運所一倉六。巡司七。河泊三水馬驛六。

戶口。

戶二萬二千八百四十八。口八萬六千零六十七。

田糧課稅。

官民田地山塘。一萬四千九百二十九頃二十八畝七分五釐四毫九絲四忽。

夏稅米。八十四石七斗二升三合六勺。

秋糧米。六萬七千九百四十六石三斗八升二合一勺四抄九撮。

農桑本色米。三十六石。

商稅等鈔。二萬六千零五十貫五百五十二文。

魚課折色米。二千四百一十四石七斗六升八合五勺。

熟鐵。八千九百一十三斤八兩六錢。魚膠。六十四斤五錢一分一釐。黃麻。一千九百八十一斤二錢七分五釐六毫。

官兵馬疋。

神電衛并合屬額設各官六十九員。旗軍九百六十八名。馬二十一疋。

高州、雙魚、信宜、陽春、寧川、五所額設各官共七十五員。旗軍一千九百二十名。馬三十四疋。

神電衛達官旗目舍共二十八員名。

民壯六百五十九名。弓兵一百九十役。

廉州府圖序

廉州府古合浦郡。吳爲珠官郡。尋復。劉宋置越州郡。歷隋、梁、唐、各易置。貞觀中。改廉州。宋改太平軍。尋復之。元置路。我國初爲府。洪武八年復爲州。以欽州爲縣。并合浦、靈山、石康。領之。以隸于雷。十四年仍歸爲府。欽仍爲州。凡領州一。欽州。縣三。合浦、附郭、靈山、石康。成化間。賊破石康。遂裁省焉。鑿山爲城。威服蠻獠。元志。山勢起伏。州

流灣迴。爲嶺海邊方之壯。本志。〔寧〕。廣西南寧府。橫。廣西橫州。高。高州。梧。廣西梧州。環拱郡治。層巒巨浸。遠鎮交南。蓋全

廣重輕。海北扼塞。兩有攸寄者。故兵備特劄于靈山。達堡增屯于衛北。合一州二邑。編戶不滿百里。夏秋所入。總三萬六千。常厘海寇。崗獠外番之憂。獨勞于三嶺。嶺東、嶺南、嶺西。苟非近裁。鎮守宦臣。抑開池冗費。通鹽

課商利。以緩斯民。旦夕之命。則其轉溝壑者。久不旋踵矣。安有今日于戲。此聖人惠安元元。萬世澤也。守臣果能仰承德意。俾重地如天板。關欽州地。管界長墩。俱巡司。屬欽州。防城。欽州堡。已上。俱近安南。內安外攘。而林墟、西鄉。俱巡司。屬靈山。

洪厓、石隆。俱堡。屬靈山。永平。巡司。新寮。軍哨堡。新立。革木、山口、木港。俱堡。隸合浦。那暮。欽州堡。實八達之衢。寇穴所通。防則必

廉州府


北至廣西西南寧府

極州六極

西博白縣界

東至高州府石城縣界一百里

東南至石城縣凌



南至本府冠頭嶺

嶺四十四里


輿地圖

橫州三百八十里

化縣四百五十里

西至分茅嶺三百六十里

西南至交陞



歸興大排渠

海洋大抵里十八

嚴其永安

千戶所 衛東南

高仰珠場

俱巡司 屬合浦

如黃沿海

俱巡司 屬欽州

川江乾禮

俱堡 屬合浦

備倭之貴尤重且均若夫峯峒

合浦二靈山

二十有八

又為臟腑之靈並交海而注念焉者安得常如四峒之歸

嘉靖辛丑大司馬毛公伯溫蔡公經奉朝命征安南安南懼請降歸四峒地于欽州

使

銅柱漢馬援平交趾立銅柱于欽誓曰銅柱折交趾滅

再標于青牛古城

以光伏波之烈識者又謂博白

廣西梧州府屬

界于高廉之間自石城

至合浦陸程五百餘里經其地者二日往來疲困欲以肇之開建易博白在梧肇不為損在廉則甚利也

惟茲布衣有疏

宋呂祖恭請誅韓侂胄配欽牢城

司諫有錄

宋陳忠肅公瓊論熙豐事貶廉嘗作尊堯錄

上下媚川

江名

而射珠彩爭光百倍具眼者當

自覓之

廉州府圖紀

領州一縣二

倉三巡司八河泊所二水馬驛六

戶口

戶八千一百六十五口五萬四千一百九十

田糧課稅。

官民田地塘六千五百八十二頃二十三畝六分二釐九毫。

夏稅。麥三石二斗七升四合七勺七抄。米九十四石五斗八升九合五勺五抄七撮一圭。

秋糧米二萬五千九百七十九石九斗九升三合一勺五抄一撮。

官兵馬疋。

廉州衛并合屬額設各官五十四員。旗軍一千零三十三名。馬二十八疋。

永安、欽州、靈山三所共官四十五員。旗軍一千一百零四名。馬三十一疋。

廉州衛達官旗目舍共三十九員名。

民壯一千零五十名。弓兵二百役。

雷

州

府

陸路二百六十里

東至大洋海陸路二十里


東南至寧海巡司

北至五城千戶所

出三十里

南至海安千戶所

隔



雷州府圖序

雷州府漢置徐聞後屬合浦郡歷齊梁陳始為雷州更合州府復為雷州歷代因之元初置安撫司尋改

路立海北道宣慰司轄六路三軍州事國朝為府洪武九年以廣州及四縣來隸後取回領縣三

海康附郭徐聞遂溪

地濱炎海多平田沃壤有海道可通閩浙三面並海圖紀正北枕高州之石城東西兩隅陸程直達寧川

千戶

所吳川治內永安千戶所廉州東南此三道實策應之地無此則背水可憂也雷之形勝可險亦可不險焉是故遂溪首

常藩屏而湛川濶州俱巡司隸遂溪橫山堡郡西北樂民千戶所遂溪境以及四十餘隘之重地所以合衛三道門戶以尊堂

室者勿為支撐目前計可也若錦囊徐聞境海安徐聞南海康海康西已上俱千戶所黑石清道俱海康屬寧海東清俱徐聞屬已上俱巡司

并齊康海康古名徐聞錦囊之隘所以協防環郡海澳以操縱反側子于吾頤指氣使間俾不敢游心注盼焉

者顧容若世祿鄙夫齷齪玩愒而徒為囊橐謀哉凡此亡命罔非赤子居重馭輕識蚤圖素長民若兵者

責也。詩曰：迨天之未陰雨，徹彼桑土，綢繆牖戶。凡此下民，孰敢侮予。惟茲西湖之濱，郡城西湖上，有旌忠祠，祀宋丞相寇萊公。歲寒

脩竹，枯而復青。潁濱嗣之。城西南隅，有潁濱祠，祀宋門下侍郎蘇子由，二公皆以貶至雷。愈布佳蔭，雷其永芘矣乎。

雷州府圖紀

領縣三。倉廩司六，河泊所三水馬驛五。

戶口。

戶二萬四千三百九十二口，六萬五千九百七十七。

田糧課稅。

官民田地山塘一萬二千三百四十四頃九十二畝六分二釐一毫。

夏稅米四十五石二斗九升一合三勺八抄八撮。

秋糧米四萬六千一百六十九石七斗九升一撮五圭。

商稅等鈔二萬一千四百九十八貫一百一十九文。

魚課折色米一千三百二十一石二斗二升一合二勺八抄。

魚膠、黃麻、熟鐵、翎毛，共折價銀四十三兩一錢三分一釐七毫。

雷州衛屯田額徵三百一十九頃六十畝細糧五千五百六十二石。

官兵馬疋。

雷州衛并合屬額設各官六十九員，旗軍八百九十三名，馬十五疋。

石城、錦囊、海安、海康、樂民、五所額設各官共七十五員，旗軍一千四百六十九名，馬三十八疋。

雷州衛達官旗目舍共三十五員名。

民壯七百五十四名，弓兵一百八十役。

瓊州府圖序

瓊州府自漢罷珠崖。梁闢儋耳。置崖州。歷唐始置瓊州。宋為瓊管。元為路。為軍民安撫司。國朝為府。領州

三。儋州、萬州、崖州。縣凡十。瓊山附郭。澄邁、臨高、文昌、樂會、會同、定安、昌化、隸儋州。陵水、隸萬州。感恩、隸崖州。背阻大海。限以天塹。三面俯臨。軍州勢若建瓴。廣藩西

南。此為雄郡。外紀。縣亘三千餘里。五指表嶺大山腹心。反為黎據。故郡邑封疆。無不濱海者。漸綏附版。為吾聲教

地。形勝迺甲于天下。否則險終在人。元事有爛鑑也。元時黎寇海南。盡陷止餘瓊。惟瓊山川澤崇深。害浮於利。外邑倚為

安危。文武守臣。責實重焉。黎防之制。瓊、澄、臨、樂、文、定、安。瓊山、澄邁、臨高、樂會、文昌、定安。諸地。舊有營戍。事久寢弛。而倭備亦

然。守禦巡司。總轄之寄。當圖新效。不可咎前人之失策也。五指羣崗。定安尤險。唯會同、文昌、四野民村。又

藉清瀾。千戶所。之衛。獨稱樂土。唯儋州獠種雖繁。土曠田饒。自經大征。梗化者。七坊一崗而已。領昌化之版

籍。善黎。彌望斥鹵。厚儲備邊。其良國哉。萬州海山四錯。黎無統轄。陵水疆域似萬。關係猶崖。若珠崖。古名。則

瓊州府

比至海面二百十二里

十五里至海峽

里外連大海諸番

東至海岸四百五十里外連大海抵諸番

東南至南山五



南至海面六百里

四里至海峽

黎悍而夥。長技負固。撓之者摧。恆勤我兵。近雖大定。

嘉靖壬寅。大司馬蹇公經。大舉兵討平之。亘古未有。

然種類生齒。履霜之漸。不可忘。

也。故議者千羅活崗。欲據以重兵。遲以歲月。迺置官兵鎮之。其陵水要區之鄰于崖者。則界以十字路。截

其往來竄伏。計若得矣。任人爲難。矧占城。暹羅。諸番。東南對峙。時飄風突來。瞭望實難。邇駐參將于崖山。

嘉靖辛丑。黎人亂乃設。

責任有攸兼也。感恩黎衆民稀。無城池兵甲。恐非長策。夫以瓊之沃壤。中飽豺狼之吻。藩籬稍

疏。時且厲我。抱大志者。每欲批穴擣巢。使幕南空庭。不戢自焚。而爲元人之攻取。

元取黎地極多。

達時機者。必曰。

勞來柔誨。俾格心向化。儕吾赤子。而守國初之昭安。大率只此二端。然其既也。各亦有弊。於戲。嚴武備馭

外番。宏綱細目。文莊

大學士邱公濬。瓊人。著大學衍義補。

之經濟固存。執而弗泥。變而弗睽。可與從政矣。

瓊州府圖紀

領州三。縣十。

遞運所一。稅課司一。倉七。巡司七。河泊所七。水馬驛十二。

戶口。

戶五萬五千五百七十五。口二十六萬九百五十八。

田糧課稅。

官民田地山園塘。二萬三百一十六頃四十三畝八分三釐三絲。

夏稅米。一百五十九石四斗六升四合七勺一抄九撮七圭。

秋糧米。八萬五千五百二十二石五斗一升九合六勺六抄九圭五粟。

農桑本色米。一十二石。

商稅等鈔。四萬七千二百九十七貫六百五十一文。

魚課折色米。四千四百四十三石五斗一升九合八勺。

魚膠翎毛。共折價銀七十七兩八錢五分一釐八毫。


海南衛屯田額徵。四百九十九頃四十畝。細糧一萬四千九百八十二石。

官兵馬疋。

海南衛并合屬額設各官。共八十四員。旗軍一千六百一十名。馬三十四疋。

清瀾、萬州、南山、儋州、昌化、崖州。六所。額設各官共九十員。旗軍二千二百六十九名。馬一百三十七疋。

民壯一千六百八十三名。弓兵四百四十役。



地 之 圖

五



南夷圖序

先民有言。地形之有中外。如晝之有夜。陰之有陽。故盛世恆治以不治。要在修明內治焉耳。古之聖王。胥由此選。曰。食哉惟時。柔遠能邇。惇德允元。而難任人。蠻夷率服。曰。惟德動天。無遠弗届。曰。無怠無荒。四夷來王。曰。明王慎德。四夷咸賓。故有德者。以所樂樂人。無德者。以所樂樂身。矧茲南海諸夷。懷德畏威。恪謹包茅。亦既有年。著之祖訓會典。撫恤獨至。而懋遷有無。以資我軍國之需。亦未嘗不利。王者無外。何可絕也。顧此編氓。自決堤坊。罔恤狐兔。時或椎髮環耳。侏儻人羣。鄉導奸利。或誘以婦女。易以奇貨。陳以官司。重輕。人情好惡。凡我虛實。皆了然已久。往歲寶安之變。正德間。佛朗機夷人始稱入貢。突入東莞。大肆掠。盈耳未遠。杞人有憂。正在叵測。君子不可謂之迂也。是故審敵情。占輿地。講制馭。稽政教。廣幅員。儲財用。綏遠人。尊中國。懷方氏。恆托寄譯。而導使星。務俾節鉞丕植。獻納必嚴。以無愧子卿鄭公。或若童貫使遼。以爲宋無人者。亦懼而勗焉。則是圖也。豈曰小補。

南夷圖紀

安南國。本漢交趾地。語見中國嘗以爲郡縣。宋始爲徼外。封爲國王。國朝洪武二年。遣使朝貢。其物有金銀器。皿。薰衣。香。降真。事紀。

香、沉香、速香、木香、黑線香、白絹、犀角、象牙、紙扇、舶使每至廣、永樂中、又郡縣之、宣德五年、復封爲國王、正德十年、黎氏滅、其臣莫登庸、據而有之、貢使不至、嘉靖二十年、大司馬毛公伯溫、蔡公經、奉朝命、與師討罪、莫登庸、懼、獻四箇地、請降、詔授都統使、二品銜、銀印、世襲。

占城國、本古越裳氏之界、在廣之西南、東至海、西至爪哇、南接真臘、北連安南、東北至廣東、舟行順風、可

半月程、至崖州、可七日程、周顯德、宋開寶中、嘗遣使來貢、其物有通犀帶、菩薩石、犀牙、龍腦、香藥、孔雀、馴象、熙寧中、令於廣州置驛、以歸、國朝洪武二年、其主阿答阿者、首遣其臣

虎都蠻來朝貢、其物有象、犀、象牙、犀角、孔雀、孔雀尾、橋皮、抹身香、龍腦、薰衣香、金銀香、奇南香、土降香、檀香、栢香、燒碎香、花梨木、烏木、蘇木、花藤香、蕪蔓、番紗、紅印花布、油紅綿布、白綿布、烏綿布、圓壁花布、花紅邊綬、雜色綬、番花子布、帕、兜羅綿、被、洗白布、泥使回、令於廣東

布政司管待、十四年復來朝貢、成化末、其國王古來、嘗至廣州去。

暹羅國、本暹與羅斛二國、在占城南、國朝洪武四年、其國王參烈照、毘牙、遣使臣奈思、俚儕、刺、識、悉、替、等、

來朝貢、進金葉表、其物有象、象牙、犀角、孔雀尾、翠毛、龜筒、六足龜、寶石、珊瑚、金界指、銅鼓、片腦、米腦、棟腦、腦油、腦柴、檀香、速香、安息香、黃熟香、降真香、羅斛香、乳香、樹香、木香、鳥香、丁香、阿魏、薔薇水、丁皮、琬、石棠、梗、藤、黃、硫黃、沒藥、烏、爺、泥、肉、

豆蔻、胡椒、白豆蔻、薯、蘇木、烏木、大楓子、苾布、油紅布、白纏頭布、紅撒哈刺布、紅地絞節智布、紅杜花頭布、紅邊白暗花布、乍連化布、烏邊葱白暗花布、細棋子花布、織人象花文打布、西洋布、織花紅絲打布、剪絨絲、雜色紅花被面、織雜絲竹布、紅花絲手巾、織人象雜色紅

文絲綬、使回、令於廣東布政司管待。

真臘國、本扶南屬國、東際海、西接蒲甘、南連加羅希、北抵占城、唐武德、宋政和中、嘗遣使來貢、國朝洪武

六年其國王忽兒那遣其臣柰亦吉郎等來貢

其物有象象牙蘇木胡椒黃蠟犀角烏木黃花木土降香寶石孔雀翎使回令於廣東布政司管待

爪哇國古本閣婆國東抵古女人國西抵三佛齊國南抵古大食國北界占城國宋淳化大觀中嘗遣使朝貢國朝洪武三年其王昔里八達刺遣其臣八的占必等來朝貢

其物有胡椒華荻蘇木銅鼓黃蠟烏叢泥金剛子烏木番紅土薔薇露奇南香檀香麻藤香速

香降香木香乳香龍腦血竭肉豆蔻白豆蔻藤竭阿魏蘆薈沒藥大楓子丁皮番木鱉子悶虫藥碗石薑澄茄烏香寶石珍珠錫西洋鐵鑊鎗摺鐵刀苾布油紅布孔雀火鷄鸚鵡玳瑁孔雀尾翠毛鶴頂犀角象牙蠟筒黃熟香安息香使回令於廣東布政司管待永樂二年復來朝貢

滿刺加國在占城南前代不通中國國朝永樂三年其國王西刺八兒速刺遣使奉金葉表來朝貢

其物有番

小廝犀角象牙玳瑁鸚鵡黑熊黑猿白鹿鎖襖金母鵝頂金扇戒指撒哈刺白苾布薑黃布撒都細布西洋布花綾片腦梔子花薔薇沉香乳香黃速香金銀香降真香紫檀香丁香胡椒血竭烏參泥象牙肉荳蔻珠母殼沒石子阿魏窩鉛片腦肉菓馬腦珠丁皮瑋速香竹布蘇合油烏木蘇木大楓子番錫番鹽使回令於廣東布政司管待正統間復來朝貢

三佛齊國本南蠻別種在占城南宋建隆初嘗遣使朝貢國朝洪武四年其國王哈刺札八刺卜遣其臣

玉的力馬罕亦里麻思奉金字表來朝貢

其物有黑熊火鷄孔雀五色鸚鵡諸香兜羅錦被苾布白賴龜筒胡椒肉豆蔻番油子米腦六年復來朝貢

浮泥國。本閩婆屬國。在西南大海中。去閩婆四十五日程。去三佛齊四十日程。去占城三十日程。宋太平

興國元豐中。嘗遣使來貢。國朝洪武四年。其國王馬謨沙。遣其臣亦思麻逸朝貢。

其物有珍珠、寶石、金戒指、金織環、龍腦、梅花腦、沉香、沉香、速

香、檀香、丁香、肉荳蔻、黃蠟、犀角、玳瑁、龜筒、螺殼、熊皮、孔雀、倒挂鳥、五色

鸚鵡、黑小廝、金銀八寶器。永樂六年。率其妻子來朝。卒於南京會同館。

錫蘭山國。前代無考。國朝正統十年。其國王遣其臣耶把刺、謨的里啞等。來朝貢。

其物有寶石、珊瑚、水晶、金戒指、撒哈刺、象牙、香木、香樹香、上檀

香、沒藥、西洋細布、藤竭、蘆薈、硫黃、烏木、胡椒、碗石、使

回。令於廣東布政司管待。天順三年。復遣使來貢。

蘇門答刺國。前代無考。國朝永樂三年。其國王鎖丹罕難阿必鎮。遣其臣阿里來朝貢。

其物有馬、犀、牛、龍涎、撒哈刺、梭眼寶石、木香、丁

香、降真香、沉香、胡椒、蘇木、錫、水晶、瑪瑙、番刀、弓

石青、回回青、硫黃。使回。令於廣東布政司管待。

大坭國。稱隸暹羅。助貢國。分節年來貿易出產。

胡椒、乳香、血竭、降香、沒藥、烏丁泥、玉泥、上檀香、蘇木、沉香、黃檀香、藤黃、木食子、龜筒、象牙、打麻、番牛角、灰筒、沉粟香、西洋布、菱、張、蓆、寶石、華撥、珠母殼、明

乳香、竹布、片腦、檀香、

丁香皮、烏木、玳瑁。

急蘭丹國正德四年來貿易出產

胡椒、烏木、丁皮、已上二國舊誌俱不載。今常來貿易，故亦存之。嘉靖二年，禮部照發附本布政司入貢，惟暹羅、占城、滿刺加、爪哇、真蠟、五國，勘合號簿五扇，收候來貢比號。其佛朗機

國前此朝貢不與。正德十二年，自西海突入東莞縣界，守臣通其朝貢，厥後規掠地方，乃逐出，今不復來。廣州船舶出虎頭門，始入大洋，東洋差近，周歲卽回，西洋差遠，兩歲一回。東洋船有鷓頂龜筒玳瑁等物，西洋船有象牙、犀角、珍珠、胡椒等物。其貴細者，往往滿船。若暹國產蘇木、地悶產檀香，其餘香貨，各國皆有之。若沉香、有黃沉、烏角沉，至貴者蠟沉，削之則卷，嚼之則柔，皆樹枯其根所結，惟奇南木，乃沉之生結者。犀角有烏犀、花犀、通天犀、復通犀、花犀者，白地黑花、通天犀、黑地白花、復通犀，則通天犀、白花中復有黑花，此皆希世之貴也。鷓頂、龜筒、玳瑁，見說可合，惟犀角不苟合，故公服以玉與犀爲帶，貴其不苟合之義也。凡舟之來最大者，爲獨檣船，能載一千婆蘭番人，謂三百斤爲一婆蘭。次曰牛頭船，比獨檣得三之一。又次曰三木舶，曰料河泊，遞得之三。紹興十七年，詔三路船司番商販到龍腦、沉香、丁香、白豆蔻、四色，並抽解一分。

The image features a decorative border with a central illustration of a horse running through stylized clouds. The horse is depicted in a dynamic, galloping pose, facing left. It has a dark body with a lighter-colored saddle and bridle. The clouds are rendered in a traditional, swirling, and stylized manner, typical of Chinese ink wash art. The entire composition is framed by a thick, black border with a repeating, intricate pattern of stylized clouds or waves.

志小覽遊州廣

著 禎 士 王

本館據學海類編
本排印初編各叢
書僅有此本

廣州遊覽小志

清 濟南王士正貽上著

光孝寺

光孝寺又名法性寺。在粵城西北。越王建德故宅也。孫吳虞翻居此。手植訶子。因名虞苑。又名訶林。東晉隆安

五年。罽賓國曇摩耶舍尊者駐錫。曰王園寺。劉宋永初中。求那羅跋陀三藏始勸戒壇。梁天監元年。智藥

三藏自西竺來。植菩提樹壇前。預識曰。後一百七十年。有肉身菩薩。于此樹下開演上乘。達磨初入國中。

亦止此寺。其後五傳至惠能。遂開東山法門于此。今祝聖殿曇摩遺跡也。有米元章書三世佛名。稍北爲

六祖殿。前爲菩提壇。壇側爲髮塔。其東南爲達磨井。西爲五祖殿。循廊而東。爲風旛堂。堂前有池泓然。又

東有僞漢鐵塔。上有題記。稱大漢皇帝大寶十年。四角有沙門某某題名。繫銜皆金紫大夫。檢校工部尙

書。又東爲譯經臺。洗硯池。房融筆授首楞嚴處。西廊復有一塔。規製差小。題玉清宮使德陵使龍德宮使

開府儀同三司內侍監上柱國龔澄樞。同女弟子鄧氏三十二娘。及大寶六年歲次癸亥字。粵城內外古

道場。以光孝爲第一。氣象古朴。殊乎他刹。六朝已還。名僧居此者。曇摩耶舍。求那羅跋陀。智藥三藏。初祖

六祖。印宗法師。波羅末陀。陳刺史歐陽頤請譯佛阿毗曇經。金剛般若經。無上依經。佛性論。共四十部。般刺密諦。譯楞嚴者。仰山通智禪師。憨山德清法師。天

然函罡禪師。同遊黃太史忍菴。高廷評憂園。屈翁山。陳元孝。張超然。三處士。程燕思秀才。人賦五言詩。

六榕寺

淨慧寺。舊名寶莊嚴寺。蘇長公南遷過此。書六榕二大字。因名六榕寺。今寺額卽蘇書也。寺有舍利塔。梁大同中。沙門曇裕建。舊有唐王勃碑。宋紹聖間。寶雞主簿林修重建。宗室康州刺史叔盎撰文。塔九層。高二十丈。廣六丈。有奇。中藏佛牙舍利。當修重建時。掘得巨鼎。藏劍三。鏡一。同舍利瘞之。元至正間。又增寶珠銅柱之屬。憑高眺遠。則白雲粵秀諸峰。皆在襟帶也。寺有永嘉禪師證道歌石刻。禪師謁六祖。祖歎曰。善哉。少留一宿。宗門謂一宿覺。

五羊觀

五羊觀。在城中西南坡山上。有穗石洞。五仙祠。吳立夫南海古蹟記云。楚高固時。有五仙人。人持穀穗。一莖六出。乘羊衣。羊具五方色。遺穗州人。今祠中五石。云是羊化。殊不類。祠後有崇臺。可以眺遠。其東爲三元殿。殿前有池。片石陂陀。一泓出其中。旁有石刻。曰仙人足跡。傳會可笑。湛文簡公少讀書于此。有詩刻石。同遊者。庭表。晏園。翁山。元孝。超然。燕思。光孝寺。僧月濤。南柄。

海幢寺

海幢寺。在羊城南。下瀕江水。同庭表。翁山。元孝。蒲衣。往遊。冒雨發舟。二里抵寺門。木繇方花。望如赤城之霞。寺有鷹爪蘭。口林。藤本。大兩圍。幹枝相糾。花五出。初出綠色。久之漸黃。香與魚子蘭酷似。寺故郭氏園。蘭園中故物也。有藏經閣。極偉麗。北望白雲。粵秀。西望石門。靈峰。西樵。諸山。東眺雷峰。卽往波羅道也。南

爲花田。南漢葬宮人處。素馨花產此。寺爲僧。今無所建。龍象莊嚴。甲諸刹。然無他奇。稍宜登眺耳。食罷登舟。往海珠寺。

海珠寺

海珠石在江中。上有慈度寺。宋李侍郎昂英讀書處。寺有李公祠。面丹霞臺。下瞰江水。北帶羊城。估舶漁艇。往來如圖畫。爲粵人競渡之所。明盛時。豪家競以翠毛鶴毳孔雀尾飾船篷。用相誇尙。其侈靡如此。用兵後。築城置戍其上。荒落不復振矣。有吳道子石刻觀音像尙存。舟由濠水入魚藻門。劉鋹時。有稻田自海上浮來。布衣林楚材見而嘆曰。水魚湫湫。兮南及宋師。至潘美爲帥。人始悟爲潘字云。飲濠梁別業。晤梁秀才無技。

越秀山

越秀山在廣州府城北。城堞因山。山分爲二。東爲歌舞岡。越王臺。其西爲觀音閣。山半爲呼鸞道。僞漢劉龔故蹟也。城西爲朝臺山。南越志云。傍江構起。葬館。以送陸賈。因名朝臺也。古蹟記云。山巔有達磨泉。山踞粵城最高處。憑高下瞰。遠江如帶。目盡炎海。粵人三月三日。九月九日。多遊于此。城堞間多榕樹。木絲時暮春。木絲方花。紅照天外。亦一奇也。

蒲澗寺

三月初四日。勞書升憲副。約同忍菴。曼園。元孝。遊蒲澗寺。寺在白雲山麓。氣象疏古。寺門諸山環抱。門內

二石碣。刻宋蘇文忠公詩。崔清獻公詞。坐禪人大韶範成妙叶堂。始食蕉子羊桃。菖蒲澗在寺左。太平寰宇志云。菖蒲澗一名甘溪。南越志云。交州刺史陸允之所開也。襄陽羅友累石澗側。容百人坐。古蹟記云。南漢闕甘泉苑。南有陸公亭。夾溪刺桐木。絲花開。殷豔如畫。時久旱。細流涓涓出石罅中。小魚如秧針。千百爲羣。東上尋濂泉寺。半里許。得石澗。潺湲有聲。涉澗而東。樹益蒼蔚。水聲益清激。又半里。復涉澗而西。澗中巨石欹立。騰倚類多姿。致岸皆笏竹。竹盡得寺。寺數弓而朴雅絕塵。老僧與默居之。元孝言郡人陶璜。苦子前身寺僧。道安也。因言其從父陳公慧業。記前生爲廬山僧。事甚奇。寺去濂泉尙里許。衆疲羸不能登。坐澗石。陰竹樹俯聽水聲。如鳴琴。筑下山。遠見琵琶洲。洲上浮圖巋然。海鼈寺也。歸食寺門榕下。是日甚暑。清風洒然。山相傳爲安期生得道處。上有景泰寺。安期祠。

長壽菴

長壽菴。在西郭外。楞于萬歷間。禪人大汕重新之。汕能詩畫。營造有巧思。寺西偏有池。通珠江水。增減應潮汐。池北爲半帆。循廊曲折而東。爲繪空軒。軒前佛桑寶相諸花。叢萃可愛。由半帆竝池而南。綠岸皆荔支。龍眼池之南。爲懷古樓。高明洞豁。其下爲離六堂。水木清華。房廊幽竅。如吳越閒寺。有拈花釋迦像。飾以黃金珠玉。車璫瑪瑙。瑟瑟之屬。莊嚴妙好。又有銅像。云是唐鑄也。

南園三忠祠

大忠祠。祀宋文信國。陸丞相。張越國。三公。其東。祠南園五先生。五先生者。孫典籍。黃待制。哲。王給事中。

佐、趙御史介、李長史德、明初結詩社于南園。此其遺址。崇禎戊寅。巡按御史葛徵奇葺三忠祠。并毀五先生詩于版久之皆廢。同年彭吏部襄爲番禺令。復新之。祠有池。關背枕河流。亦一勝地。

